



Sakspapir

Sakshandsamar	Arkiv	ArkivsakID
Gjermund Hagesæter	FA-G21, FE-030	20/290

Saksnr	Utval	Type	Dato
029/21	Kommunestyret	PS	22.04.2021

Status framdrift kjøp av legepraksis etter 14.04.21

Vedlegg:

Fellesframleggtilkjøpavlegepraksis2021

Saksutgreiing:

Bakgrunn

Det har ei stund vore eit ønskje fra Fedje kommune om å få kjøpa privatpraksisen til Ernst Horgen til ein fornuftig pris. Så langt har ein ikkje lukkast med det. Hovudproblemstillinga her er ein leigeavtale med Dustin som omfattar datautstyr som Ernst Horgen har inngått og som det vil kosta ca kr 128 000,- pluss mva å kjøpa seg fri frå. Fedje kommune sitt standpunkt her er at prisen som skal betalast er maks kr 520 000,- og at utstyret då skal leverast fri for heftingar. Ernst Horgen har no redusert sitt krav med kr 35 000,- men at Fedje kommune då overtar heftingane frå Dustin på kr 128 000,-. Jfr vedlegg. Dette betyr at avstanden no er ca kr 93 000,- pluss mva.

Vurdering

Etter å ha undersøkt kva som er og har vore etablert prisnivå for kjøp av privat legepraksis andre stader i Noreg meiner rådmannen at tilbodet som Fedje kommune har gikk er eit godt tilbod. Likevel er rådmannen no usikker på om ein kjem fram til ein avtale. Nordhorland legevakt er sagt opp med verknad frå og med 1/1-22 og dette gjer at andre alternativ også må utgreiast og vurderast. Det har vore kontakt mellom Fedje kommune og KS i samband med saksutgreiing av ny legeteneste i Fedje kommune. Rådmannen ser for seg at det også framover vert naudsynt å oppretthalda kontakten med KS og også vurdere kjøp av råd og tenester frå KS for å sikre at overgangen til ny legeteneste vert gjennomført på best mogeleg måte.

Folkehelse: God legeteneste er avgjerande for folkehelsa.

Miljø: Ikkje relevant.

Økonomi: Kostnader til legeteneste utgjer ein stor del av Fedje kommune sitt budsjett.

Konklusjon

Saka vert lagt fram for politisk leiing til drøfting og rådmannen svarar på aktuelle spørsmål.



Fedje kommune

Det vart gjort følgjande vedtak 024/21 i formannskapet 13.04.2021:

Formannskapet ber rådmannen slutføre forhandlingane om kjøp av praksis i tråd med dei drøftingane som vart gjort i møtet, og kome med oppdatert informasjon til kommunestyret i saka.

Samrøystes vedteke.

Nye opplysningar i saka:

Etter at formannskapet drøfta saka den 13/4-21 og rådmannen fekk nye føringar vart eit revidert tilbod fremma for Ernst Horgen den 14/4-21. Tilbodet betyr at kostnaden på ca kr 110 000,- for å kjøpa seg ut av avtalen med Dustin vert delt mellom seljar og kjøpar med 50% kvar. (Kr 110 000,- er den estimerte kostnaden det vil vere å kjøpa seg fri frå avtalen med Dustin den 8/10-21 som etter oppsigelsen vil vere Ernst Horgen sin siste arbeidsdag i Fedje kommune.)

Etter at tilbodet vart lagt fram vart det halde eit teams-møte der ein gjekk gjennom dei ulike punkta i utkastet til avtale. Etter nokre mindre justeringar vart ein einig om eit utkast som seljar kunne akseptera og som rådmannen herved legg fram for kommunestyret til avgjerd.

Kjøp av praksisen medfører at lege og andre på legekontoet vert direkte lønna av Fedje kommune. På den andre sida skal då ikkje kommunen betala driftstilskot til privat praksis som i budsjettet 2021 er budsjetttert med kr 765 000,-. I tillegg vil kommunen motta eigenandelar frå brukarar og refusjonar frå HELFO. Rådmannen legg til grunn at reknestykket med ny organiseringa av legetenesta i Fedje kommune totalt sett vil slå positivt ut i dei årlege kommunebudsjett.

Som det tidlegare er gjort greie for så vil det vere ein stor fordel at Fedje kommune eig denne praksisen når ein skal lysa ut etter nye legar og at dette truleg vil gje oss fleire kvalifiserte søkjarar enn me ville fått dersom praksisen framleis var privat.

Etter rådmannen si vurdering er dette den beste avtalen det er mogeleg å oppnå og på bakgrunn av det rår rådmannen til at Fedje kommunestyre vedtar avtalen slik den ligg vedlagt.

Forslag til vedtak:

Fedje kommune vedtar vedlagte avtale om kjøp av legepraksis frå Ernst Horgen.

Kjøpesummen vert finansiert frå disposisjonsfondet.

Kommunestyret - 029/21

K - behandling:

Ernst Horgen (H) var ugild i saka jamfør § ...Erling Herøy (H) var vararepresentant for Ernst Horgen



Fedje kommune

K - vedtak:

Fedje kommune vedtar vedlagte avtale om kjøp av legepraksis frå Ernst Horgen.

Kjøpesummen vert finansiert frå disposisjonsfondet.

Samrøysters vedteke.